

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

মঙ্গলবার, জানুয়ারি ১০, ২০১৭

গণপ্রজাতন্ত্রী বাংলাদেশ সরকার

স্বরাষ্ট্র মন্ত্রণালয়  
আনসার অধিশাখা-১

প্রজ্ঞাপন

তারিখ : ০৮ ডিসেম্বর, ২০১৬ খ্রিঃ

নং ৪৪.০০.০০০০.১১৪.১৬.০০১.১৫-৩৫৮—বাংলাদেশ আনসার ও গ্রাম প্রতিরক্ষা বাহিনী'র বিভিন্ন কর্মচারীদের অসীম সাহসিকতা, বীরত্বপূর্ণ কাজের পাশাপাশি বুদ্ধিমত্তা, একনিষ্ঠতা, সততা, দূরদর্শিতা, মমত্ববোধ প্রভৃতির দৃষ্টান্তপূর্ণ অবদানের স্বীকৃতিস্বরূপ বাংলাদেশ সরকার কর্তৃক প্রবর্তিত 'বাংলাদেশ আনসার পদক', 'প্রেসিডেন্ট আনসার পদক', 'বাংলাদেশ গ্রাম প্রতিরক্ষা দল পদক', 'প্রেসিডেন্ট গ্রাম প্রতিরক্ষা দল পদক', 'বাংলাদেশ আনসার (সেবা) পদক', 'প্রেসিডেন্ট আনসার (সেবা) পদক', 'বাংলাদেশ গ্রাম প্রতিরক্ষা দল (সেবা) পদক' এবং 'প্রেসিডেন্ট গ্রাম প্রতিরক্ষা দল (সেবা) পদক' প্রদানের নীতিমালা প্রণয়ন করা হলো।

পদকের বিবরণ প্রাপ্তির যোগ্যতা ও শর্ত নিম্নরূপ হবে :

১। পদকের নাম, সংখ্যা ও পদকের গঠন :

ক্রমিক নং	পদকের নাম	প্রতি বছর প্রদেয় পদকের সর্বোচ্চ সংখ্যা	পদকের গঠন
১।	বাংলাদেশ আনসার পদক	১০ টি	(ক) পদকটি রূপার তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{৩}{৮}$ ইঞ্চি হবে। (ঘ) পদকটির একদিকে বাংলাদেশের প্রতিকৃতি খচিত থাকবে এবং বাংলায় “বাংলাদেশ আনসার পদক” ও “অসম সাহসিকতা” উৎকীর্ণ থাকবে। পদকের অপর পৃষ্ঠে “আনসার” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।

(৪৭৩)

মূল্য : টাকা ৮.০০

১	২	৩	৪
২।	প্রেসিডেন্ট আনসার পদক	২০ টি	(ক) পদকটি ব্রোঞ্জ এর তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের জাতীয় প্রতীক খচিত থাকবে এবং বাংলায় “প্রেসিডেন্ট আনসার পদক” ও “সাহসিকতা” উৎকীর্ণ থাকবে। পদকের অপর পৃষ্ঠে “আনসার” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।
৩।	বাংলাদেশ গ্রাম প্রতিরক্ষা দল পদক	১০ টি	(ক) পদকটি রূপার তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের প্রতিকৃতি খচিত থাকবে এবং বাংলায় “বাংলাদেশ গ্রাম প্রতিরক্ষা দল পদক” ও “অসম সাহসিকতা” উৎকীর্ণ থাকবে। পদকের অপর পৃষ্ঠে “গ্রাম প্রতিরক্ষা দল” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।
৪।	প্রেসিডেন্ট গ্রাম প্রতিরক্ষা দল পদক	২০ টি	(ক) পদকটি ব্রোঞ্জ এর তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের জাতীয় প্রতীক খচিত থাকবে এবং বাংলায় “প্রেসিডেন্ট গ্রাম প্রতিরক্ষা দল পদক” ও “সাহসিকতা” উৎকীর্ণ থাকবে। পদকের অপর পৃষ্ঠে “গ্রাম প্রতিরক্ষা দল” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।
৫।	বাংলাদেশ আনসার (সেবা) পদক	২০ টি (মহিলা ন্যূনতম ৫টি)	(ক) পদকটি রূপার তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের প্রতিকৃতি খচিত থাকবে এবং বাংলায় “বাংলাদেশ আনসার পদক” ও “সেবা” উৎকীর্ণ থাকবে। পদকের অপর পৃষ্ঠে “আনসার” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।

১	২	৩	৪
৬।	প্রেসিডেন্ট আনসার (সেবা) পদক	৪০ টি (মহিলা ন্যূনতম ১০টি)	(ক) পদকটি ব্রোঞ্জ এর তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের জাতীয় প্রতীক খচিত থাকবে এবং বাংলায় “প্রেসিডেন্ট আনসার পদক” ও “সেবা” উৎকীর্ণ থাকবে। পদকের অপর পৃষ্ঠে “আনসার” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।
৭।	বাংলাদেশ গ্রাম প্রতিরক্ষা দল (সেবা) পদক	২০ টি (পুরুষ ১০টি ও মহিলা ১০টি)	(ক) পদকটি রূপার তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের প্রতিকৃতি খচিত থাকবে এবং বাংলায় “বাংলাদেশ গ্রাম প্রতিরক্ষা দল পদক” ও “সেবা” উৎকীর্ণ থাকবে। পদকের অপর পৃষ্ঠে “গ্রাম প্রতিরক্ষা দল” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।
৮।	প্রেসিডেন্ট গ্রাম প্রতিরক্ষা দল (সেবা) পদক	৪০টি (পুরুষ ২০টি ও মহিলা ২০টি)	(ক) পদকটি ব্রোঞ্জ এর তৈরি হবে। (খ) পদকের আকৃতি গোলাকার হবে। (গ) পদকের ব্যাস ১ $\frac{১}{৮}$ ইঞ্চি হবে। (ঘ) পদকটির একদিকে বাংলাদেশের জাতীয় প্রতীক খচিত থাকবে এবং বাংলায় “প্রেসিডেন্ট গ্রাম প্রতিরক্ষা দল পদক” ও “সেবা” উৎকীর্ণ থাকবে। পদকের অপর পৃষ্ঠে “গ্রাম প্রতিরক্ষা দল” প্রতীক খচিত থাকবে। পদকপ্রাপ্ত সদস্যের নাম পদকের প্রান্তভাগে অন্তর্ভুক্ত থাকবে।

২। পদকপ্রাপ্তির যোগ্যতা ও শর্ত : নিম্নবর্ণিত এক বা একাধিক কাজের জন্য বাংলাদেশ আনসার ও গ্রাম প্রতিরক্ষা বাহিনীতে শ্রেণিতে আগত কেবল পোষাকধারী কর্মচারী, আনসার ও গ্রাম প্রতিরক্ষা বাহিনী অধিদপ্তরের সকল পর্যায়ের কর্মচারীসহ ব্যাটালিয়ন সদস্য/সদস্যা, অঙ্গীভূত সদস্য/সদস্যা, আনসার/ভিডিপি/টিডিপি

সদস্য/সদস্যা, থানা/উপজেলা আনসার কমান্ডার, ইউনিয়ন/ওয়ার্ড/গ্রাম দলনেতা/দলনেত্রীগণসহ সকল পর্যায়ের সদস্য-সদস্যাদের উক্ত পদক প্রদান করা যাবে, যথা:

- (ক) প্রতিপক্ষের সাথে সংঘর্ষের সময় জীবন বিপন্ন করে বীরত্বপূর্ণ/সাহসিকতার পরিচয় প্রদান,
- (খ) সন্ত্রাসী/রাষ্ট্রদ্রোহী/নাশকতামূলক কার্যক্রম নির্মূলে বীরত্বপূর্ণ অবদান রাখা,
- (গ) চোরাকারবারীর সাথে সংঘর্ষের সময় জীবনের ঝুঁকি নিয়ে বীরত্ব/সাহসিকতার পরিচয় প্রদান,
- (ঘ) পার্বত্য এলাকাসহ দেশের যে কোনো অঞ্চলে সন্ত্রাস দমনে বীরত্বপূর্ণ অবদান রাখা,
- (ঙ) বুদ্ধিমত্তা ও দূরদর্শিতার মাধ্যমে বৃহৎ কোনো সংঘর্ষের সফল সমাধান করা,
- (চ) অবৈধ অস্ত্র উদ্ধার করতে গিয়ে মারাত্মকভাবে আহত হওয়া/অবৈধ অস্ত্র উদ্ধার করা,
- (ছ) চোরাচালান দমনে দৃষ্টান্তমূলক সাফল্য অর্জন,
- (জ) আইন-শৃঙ্খলা রক্ষায় দৃষ্টান্তমূলক সাফল্য অর্জন,
- (ঝ) অভ্যন্তরীণ নিরাপত্তার কাজে দৃষ্টান্তমূলক সাফল্য প্রদর্শন,
- (ঞ) সরকারি সম্পত্তি/যানমাল/অস্ত্র-গোলাবারুদ রক্ষায় দৃষ্টান্তমূলক কৃতিত্ব প্রদর্শন,
- (ট) দৃষ্টান্তমূলক আত্মত্যাগ/সমস্যা-সংকুল পরিস্থিতি মোকাবেলায় বিশেষ আত্মনিয়োগ,
- (ঠ) জননিরাপত্তায় দৃষ্টান্তমূলক ও প্রশংসনীয় কাজ,
- (ড) জনকল্যাণমূলক, দৃষ্টান্তমূলক ও প্রশংসনীয় কাজ,
- (ঢ) আর্থ সামাজিক উন্নয়নে দৃষ্টান্তমূলক ও প্রশংসনীয় কাজ,
- (ণ) ক্রীড়া ও সাংস্কৃতিক ক্ষেত্রে দৃষ্টান্তমূলক ও প্রশংসনীয় কাজ,
- (ত) স্বাস্থ্যসেবা খাতে দৃষ্টান্তমূলক ও প্রশংসনীয় কাজ,
- (থ) তথ্য-প্রযুক্তি খাতে উদ্ভাবনী, দৃষ্টান্তমূলক ও প্রশংসনীয় কাজ,
- (দ) প্রেষণে আগত কর্মচারীদের একাধিক পদকের জন্য বিবেচনা করা যাবে না।

### ৩। রিবনের বিবরণ ও পরিধানের ক্রম:

- (ক) বাংলাদেশ আনসার পদক (বিএএম): এ পদক উভয় পার্শ্বে ও মধ্যভাগে সবু রৌপ্যদাগ এবং প্রতিটি রৌপ্যদাগের মধ্যভাগে লাল দাগসহ ১<sup>০</sup>/<sub>৮</sub> ইঞ্চি প্রশস্ত গাঢ় সবুজ রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (খ) প্রেসিডেন্ট আনসার পদক (পিএএম): এ পদক উভয় পার্শ্বে সবু রৌপ্যদাগ যার মধ্যভাগে একটি সবু লাল দাগসহ ১<sup>০</sup>/<sub>৮</sub> ইঞ্চি প্রশস্ত গাঢ় সবুজ রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।

- (গ) **বাংলাদেশ গ্রাম প্রতিরক্ষা দল পদক (বিভিএম):** এ পদক উভয় পার্শ্বে ও মধ্যভাগে সন্ন রৌপ্যদাগ এবং প্রতিটি রৌপ্যদাগের মধ্যভাগে লাল দাগসহ ১<sup>০</sup>/<sub>৮</sub> ইঞ্চি প্রশস্ত গাঢ় মেব্রন রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (ঘ) **প্রেসিডেন্ট গ্রাম প্রতিরক্ষা দল পদক (পিভিএম):** এ পদক উভয় পার্শ্বে সন্ন রৌপ্যদাগ যার মধ্যভাগে একটি সন্ন লাল দাগসহ ১<sup>০</sup>/<sub>৮</sub> ইঞ্চি প্রশস্ত গাঢ় মেব্রন রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (ঙ) **প্রেসিডেন্ট আনসার (সেবা) পদক (বিএএমএস):** এ পদক উভয় পার্শ্বে ও মধ্যভাগে সন্ন রৌপ্যদাগসহ ১<sup>০</sup>/<sub>৮</sub> ইঞ্চি প্রশস্ত গাঢ় সবুজ রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (চ) **বাংলাদেশ আনসার (সেবা) পদক (পিএএমএস):** এ পদক উভয় পার্শ্বে সন্ন রৌপ্যদাগসহ ১<sup>০</sup>/<sub>৮</sub> ইঞ্চি প্রশস্ত গাঢ় সবুজ রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (ছ) **বাংলাদেশ গ্রাম প্রতিরক্ষা দল (সেবা) পদক (বিভিএমএস):** এ পদক উভয় পার্শ্বে ও মধ্যভাগে সন্ন রৌপ্যদাগসহ ১<sup>০</sup>/<sub>৮</sub> ইঞ্চি প্রশস্ত গাঢ় মেব্রন রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- (জ) **প্রেসিডেন্ট গ্রাম প্রতিরক্ষা দল (সেবা) পদক (পিভিএমএস):** এ পদক উভয় পার্শ্বে সন্ন রৌপ্যদাগসহ ১<sup>০</sup>/<sub>৮</sub> ইঞ্চি প্রশস্ত গাঢ় মেব্রন রং এর ফিতার মাধ্যমে ইউনিফর্মের সাথে বাম বুকে ঝুলিয়ে পরিধান করতে হবে।
- ৪। বারসমূহ শুধুমাত্র আনসার ও ভিডিপি এর কোনো সদস্যদের ক্ষেত্রে এই পদক একাধিকবার প্রদান করা যাবে। মহামান্য রাষ্ট্রপতির সদয় সম্মতিক্রমে একাধিক পদকপ্রাপ্তগণকে পদকের সংখ্যা অনুসারে “বার” প্রদান করা যাবে। বার পরিধান করার সময় প্রতিটি বারের জন্য রিবণে একটি রুপালি রোমান হরফে।। চিহ্ন পরিধান করতে হবে।
- ৫। **মনোনয়ন পদ্ধতি:** পদক প্রদানের লক্ষ্যে নিম্নবর্ণিত কমিটিসমূহ প্রাথমিক প্রস্তাব প্রণয়ন করবে:

(ক) রেঞ্জ কমিটি:

রেঞ্জ প্রদান	আহ্বায়ক
জেলা কমান্ড্যান্ট এবং ব্যাটালিয়ন	
কমান্ডার (সকল)	সদস্য
উপপরিচালক (রেঞ্জ)	সদস্য সচিব

(খ) আনসার ও গ্রাম প্রতিরক্ষা বাহিনী একাডেমী কমিটি:

উপমহাপরিচালক	আহ্বায়ক
পরিচালক (সকল)	সদস্য
উপপরিচালক (প্রশাসন)	সদস্য সচিব

(গ) আনসার ও গ্রাম প্রতিরক্ষা বাহিনী অধিদপ্তর কমিটি:

অতিরিক্ত মহাপরিচালক	আহ্বায়ক
উপমহাপরিচালক (সকল)	সদস্য
উপপরিচালক (প্রশাসন)	সদস্য সচিব

কমিটি প্রয়োজনে যে কোনো কর্মচারীকে কো-অপ্ট করতে পারবে।

৬। (ক) বাংলাদেশ আনসার ও গ্রাম প্রতিরক্ষা বাহিনী হতে প্রেষণ সম্পন্ন করে নিজ সংস্থায় প্রত্যাবর্তনকারী/এ বাহিনী হতে উপসচিব বা সমমর্যাদা বা তদুর্ধ্ব পদে গমনকারী/নিয়োগপ্রাপ্ত পদক প্রাপ্তগণের ক্ষেত্রে মাসিক ভাতা তাঁর অভিভাবক সংস্থা/বাহিনী/মন্ত্রণালয়ে যোগদান/প্রত্যাবর্তনের পরেও বহাল থাকবে। এ ক্ষেত্রে প্রয়োজনীয় আর্থিক সংশ্লেষ সংশ্লিষ্ট পদকপ্রাপ্ত সদস্যের অভিভাবক সংস্থা/বাহিনী/সংশ্লিষ্ট মন্ত্রণালয়ের বাজেট হতে নির্বাহ করতে হবে।

(খ) পদকের জন্য বিবেচনা করার কার্যক্রম গ্রহণের পূর্বেই কোনো কর্মচারীর প্রেষণাদেশ প্রত্যাহার/অন্যত্র পদায়ন/প্রেষণে গমন/অবসরে গমন করলে, সেক্ষেত্রেও বাংলাদেশ আনসার ও গ্রাম প্রতিরক্ষা বাহিনীতে থাকাকালীন তাঁর অবদানের জন্য তাঁকে এই পদকের জন্য বিবেচনা করা যাবে। এক্ষেত্রে পদকপ্রাপ্ত সদস্যের এককালীন অনুদান বাংলাদেশ আনসার ও গ্রাম প্রতিরক্ষা বাহিনী কর্তৃক প্রদেয় হবে এবং মাসিক ভাতা ৬(ক) এর বিধান অনুযায়ী সংশ্লিষ্ট সদস্য অভিভাবক সংস্থা/ বাহিনী/মন্ত্রণালয় হতে ও অবসরপ্রাপ্তগণ অবসর ভাতার সাথে প্রাপ্য হবেন।

(গ) আনসার ও ভিডিপিতে কর্মরত অবস্থায় সাহসিকতা ও বীরত্বপূর্ণ কাজে মৃত্যুবরণকারী কর্মচারীদেরকে পদক প্রদানের জন্য বিবেচনা করা হলে, সেক্ষেত্রে এককালীন অনুদান, বাংলাদেশ আনসার ও গ্রাম প্রতিরক্ষা বাহিনী কর্তৃক নিকটতম আত্মীয় (Next of Kin) কে প্রচলিত বিধি-বিধান অনুসরণপূর্বক প্রদান করা হবে। এক্ষেত্রে তাঁর উত্তরাধিকারীগণ পদকপ্রাপ্তির দিন হতে সর্বোচ্চ ১০ বছর পর্যন্ত মাসিক ভাতা প্রাপ্য হবেন।

৭। **পদকের ভূষণ:** পদকপ্রাপ্ত সদস্যগণ তাদের নামের শেষে পদকের ভূষণ (সংক্ষিপ্ত রূপ) যেমন- 'বাংলাদেশ আনসার পদক' এর ক্ষেত্রে 'BAM'/'বিএএম', 'প্রেসিডেন্ট আনসার পদক' এর ক্ষেত্রে 'PAM'/'পিএএম', 'বাংলাদেশ গ্রাম প্রতিরক্ষা দল পদক' এর ক্ষেত্রে 'BVM'/'বিভিএম' এবং 'প্রেসিডেন্ট গ্রাম প্রতিরক্ষা দল' পদক এর ক্ষেত্রে 'PVM'/'পিভিএম' 'বাংলাদেশ আনসার (সেবা) পদক' এর ক্ষেত্রে 'BAMS'/'বিএএমএস', 'প্রেসিডেন্ট আনসার (সেবা) পদকের' এর ক্ষেত্রে 'PAMS'/'পিএএমএস' 'বাংলাদেশ গ্রাম প্রতিরক্ষা বাহিনী দল (সেবা) পদক' এর ক্ষেত্রে 'BVMS'/'বিভিএমএস' এবং 'প্রেসিডেন্ট গ্রাম প্রতিরক্ষা দল (সেবা) পদক' এর ক্ষেত্রে 'PVMS'/'পিভিএমএস' লিখতে পারবেন। প্রেষণে আগত পদকপ্রাপ্ত কর্মকর্তাগণ প্রেষণ শেষে অভিভাবক সংস্থা/বাহিনীতে প্রত্যাবর্তনের পরে এবং এ বাহিনী হতে পদোন্নতি/নিয়োগপ্রাপ্ত হয়ে অন্য সংস্থা/মন্ত্রণালয়ের গমনকারী সদস্যগণও তাঁদের নামের শেষে উল্লিখিত ভূষণ লিখতে পারবেন।

৮। **পদকের প্রকাশ:** মহাপরিচালক, আনসার ও গ্রাম প্রতিরক্ষা বাহিনী এর সুপারিশক্রমে স্বরাষ্ট্র মন্ত্রণালয়ের মাধ্যমে মহামান্য রাষ্ট্রপতি কর্তৃক এই পদক অনুমোদিত হতে হবে এবং এ পদক বাংলাদেশ গেজেটে প্রকাশ করতে হবে।

৯। পদক প্রত্যাহার ও পুনঃপ্রদান: মহাপরিচালক, আনসার ও গ্রাম প্রতিরক্ষা বাহিনী কর্তৃক স্বরাষ্ট্র মন্ত্রণালয়ের মাধ্যমে উত্থাপিত প্রস্তাব মোতাবেক প্রদত্ত পদক প্রত্যাহার করা যাবে। তবে মহামান্য রাষ্ট্রপতি অনুগ্রহপূর্বক ইচ্ছা পোষণ করলে প্রত্যাহারকৃত পদক পুনরায় প্রদান করতে পারবেন।

১০। এতদ্বিষয়ে ২৪ ডিসেম্বর, ২০১৫ তারিখে জারীকৃত ৪৪.০০.০০০০.১১৪.১৬.০০১.১৫-৩১২ নং প্রজ্ঞাপন এ নীতিমালা জারির তারিখ থেকে বাতিল বলে গণ্য হবে।

১১। এই প্রজ্ঞাপন অবিলম্বে কার্যকর হবে।

রাষ্ট্রপতির আদেশক্রমে

ড. মোঃ মোজাম্মেল হক খান  
সিনিয়র সচিব।